


KOMMUNIMUT PILERSAARUMMUT TAPILIUSSAQ 1C6 - 1

Paassaasivik, Nuuk

Septembari 2017



KOMMUNEQARFIK **SERMERSOOQ**
Sanarfinermut Avatangiisinullu Ingerlatsivik
Forvaltning for Anlæg og Miljø

Kommunimut pilersaarummut tapiliusseq sunaava?

Kommunimut pilersaarummut tapiliusseq tassaavoq ingerlaavartumik suliarineqartartoq, taamaattumik Kommunalbestyrelse Pilersaarusionermut inatsit naapertorlugu (Pilersaarusionerq aamma nunaminertat atornerqartarnerat pillugit Inatsisartut inatsisissaat nr. 17, 17. november 2010-imeersoq) kommunimut pilersaarutip pisariaqartutigut nutarterneqartarnissaanut pisussaavoq. Pilersaarummut tapiliussamut attuumassutilimmik pilersaarummi allannguuteqartoqartillugu imaluunniit ilanngussisoqartoqartillugu ingerlaavartumik nutarterisoqartarpoq.

Kommunalbestyrelse kommunimut pilersaarummut tapiliussamik nunaminertamik atuinissamut sanaartukkanullu tunngasunik aalajangersagartalimmik taamaalilluni sukkulluunniit suliaqarsinnaatitaavoq. Taamaattorli taakku saniatigut Kommunalbestyrelse sukumiisumik aalajangersagartalimmik kommunimut pilersaarummut tapiliussaliussalluni pisussaavoq:

- Nuna tamakkerlugu pilersaarusionerup kommunillu pilersaarusionerata piviusunngortinnissaanut qulakkeerinninnissaq pisariaqaraangat.
- Sanaartugassanik imaluunniit sulianut annerusunut pingaaruteqartunulluunniit nunaminertamik atugassiinnginnermi.
- Sanaartukkanik anginerusunik pingaaruteqarnerusunilluunniit ingutserilinnginnermi.

Kommunimut pilersaarummut tapiliusseq marlunnik immikkoortortaqqarpoq, **nassuiaat** aamma **maleruaqqusanut tunngasut**.

- **Nassuiaatitaani** kommunimut pilersaarummut tapiliussami siunertat anguniakkallu aamma pissutsit immikkoortup iluani eqqaanilu pioreersut nassuiarneqarput.
- **Aalajangersagartaani** pilersaarutip piviusunngortinnissaanut tunngatillugu aalajangersakkat malinneqartussat allassimapput. Aalajangersakkat aalajangersakkanut pingaarnernut sukumiisunullu avitaapput. Aalajangersakkat tamarmik inatsisinut pituttugaapput, taamaattorli pissutsini immikkut ittuni, aalajangersakkanit sukumiisunit immikkut akuersissummik tunniussisoqarsinnaavoq. Tamatuma saniatigut nunap assingi ilanngussat attuumassuteqartut aalajangersagartaaniipput.

Tamanut saqqummiunneqarnera

Kommunimut pilersaarummut tapiliusseq 18.10.2017-miit atuutilersussatut tamanut nalunaarutigineqarpoq

Pilersaarut sumik takuneqarsinnaava

Pilersaarut Nunatta Atuagaateqarfiani atuarsinnaavat, kommunip nittartagaani aaneqarsinnaavoq www.sermersooq.gl, kommunip innuttaasunik sullissivianut imaluunniit Sanarfinermut Avatangiisinullu Ingerlatsivimmumut Imaneq 20, 3900 Nuuk saaffiginnillutit pissarsiarisnaavat, oqarasuaat 36 74 0.

IMARISAI

1	NASSIUAA	
1.1	PILERSAARUTEQARFIUSOQ	4
1.2	SIUNERTAT TUNNGAVILLU	5
1.3	PISSUTSIT PIOREERSUT	7
1.4	PILERSAARUMMI PINGAARNERIT	12
1.5	PILERSAARUSIORNERMUT ALLAMUT SANILLIULLUGU INISSISIMANERA	15
1.6	PILERSAARUMMUT TAPILIUSSAP INATSISITIGUT	18
2	AALAJANGERSAKKAT	19
3	AKUERSISSUTEQARNERMI ATSIORNERIT	26
4	ILANNGUSSAQ	27-30

1 NASSIUAAT

1.1 PILERSAARUTEQARFIUSOQ

Pilersaaruteqarfiusoq "1B3 Nuukullak" Nuummi illoqarfiup ilaani nuunnguup kujammut kangisissortaaniippoq. Immikkoortoq aamma imatut taaneqartarpoq Paassaasivik.



Fig. 1.

Pilersaaruteqarfiusoq 1B3 illoqarfimmut nunallu isikkuanut atatillugu.

Oqaluttuarisaanermi titarneq (titarneq kittorartitaartoq qernertoq). Sissami pisuinnaat aqutissaata immikkoortuata aappaa (titarneq qernertoq) Nunaminertaq sanaartorfigeqqusaanngitsoq (qernertumik titartugaq)

1.2 SIUNERTAT TUNNGAVIILLU

Nuummi innuttaasut amerlassusii ukiuni aggersuni 2030-imi 30.000-inngorsimassangatinneqarput. Taamaattumik ineqarnissamut inissiaqarfissanillu pitsaasunik illoqarfimmi atuuffinnik tamatigoortortalinnik pisariaqartitsisoqaleraluttuinnartussaasoq naatsorsuutigineqarpoq.

Illoqarfimmi inissiaqarfinnik pitsaasortalinnik illoqarfimmik ineriartortitsinissamik kissaateqarneq kommunimi Illussanik titartaasarneq pillugu politikimi 2016-imi akuersissutigineqartumi tunngavissinneqarsimavoq.

Kommunimut pilersaarummi Sermersooq2028.gl-imi Nuummi inuussutissarsiateqarfimmik ineriartortitsineq illoqarfimmi inuussutissarsiutinut `oqimaannerusunut` suliffissuaqarnermullu qitiutinneqartoq allassimavoq. Atuuffiit ilaat ullumikkut Paassaasivimmiittut taamaalillutillu siunissami inuussutissarsiateqarfimmik allulioortornermi inuussutissarsiateqarfinnillu nutaanik pilersitsiortornermi pilersarutaasumik tunngavissinneqarput.

Taamaalilluni illoqarfimmi atuuffiit pitsaassutsillu siunissami sumiiffimmik atuinissami naleqqussarneqarnissaannut periarfissaqarluni. Kommunimut pilersaarummut tapiliussaq una iluaqutigalugu pilersaruteqarfiusoq illulioortiternikkut inuussutissarsiutinik nutaanik tunngavissiisut, niuertarfiit, allaffiit illoqarfiullu qeqqanut qanittumi najugaqarfiit ineriartortinneqarsinnaapput.

Illoqarfinnut nunallu isikkuanut tunngatinnerullugu immikkoortoq `Oqaluttuarisaanermi titarnermut` atavoq, titarneq taanna Nuup Saavaniit maannakkut umiarsuarnut atlantikukkoortaatitut talittarfiup tungaanukartoq aamma pisuinnaat aqutissaat Nuup illoqarfiata sissanik qanittumi sukisaarsarfittullu ineriartortinneqartutut pilersaarutigineqartup tungaanut aamma ingerlassaaq.

Pilersaarummi tunngavinnut siunertat tullinguuttut makkuupput:

- Suliaareersut maannakkutut ingerlatinnameqarsinnaasut tamannalu ilutigalugu illoqarfiup ingerlaavartumik ineriartortinneqarnissaanut killiliussassanik pilersitsisoqarluni, tamatumani illuutillit/nunaminertamik atugassinneqarsimasut suliami ingerlatsisuussallutik.
- Immikkuualuttup "immikkuuluttumit B-mit" (inuussutissarsiutit) "immikkualuttumut C-mut" (ataatsimoorussassatut siunertat) allanngortillugu aamma niuertarfittut, inuussutissarsiateqarfittut, kollegiatut, unnuisarfittut, inissiatut il.il. ilusilinnik qiterisaqarfimmi sanaartornissaq qulakkeerneqarluni.

- Nunaminertani arlalinni sanaartorfissat ataatsimoortinneqarnissaannut periarfissiissalluni, taamaalilluni sanaartorfissanik anginerusunik pilersitsisoqarluni.
- Sanaartorfissat pingasuniit tallimanik quleriinnik sanaartorfigineqarsinnaasunngorlugit atugassiissutigissallugit.
- Immikkoortumi sissami pisuinnaat aqqutissaata oqaluttuarisaanermilu titarnerup akornanni pisuinnaat sikkilertullu aqquaat nukittorsassallugit.
- Illuliat nutaat aqqusinioreersut sinerlugit illoqarfinngorsaanernut iluaqutaassassut.
- Immikkuualuttumi paassaasiviusimasup eqqaani immikkoortoq ilanngullugu taamaalillunilu illoqarfimmi nunataq / sukisaarsartarfik sissami pisuinnaat aqqutissaat ilaatut pilersinneqarsinnaasunngorlugu.

1.3 PISSUTSIT PIOREERSUT

Pilersaaruteqarfiusoq 7,1 hektarit missaannik annertussuseqarpoq.

Pilersaaruteqarfiusoq pilersaarummi atuuttummi 1B3-1-imi inuussutissarsiuteqarfittut atugassiissutigineqarpoq. Sermersooq 2028-mut Kommunitum pilersaarummi immikkoortumi illoqarfimmik nutarterisoqarsinnaasoq aalajangersarneqarpoq, aamma illoreersut isaterneqarnissaat.



Fig. 2: Pilersaaruteqarfiusoq 1B3 sanianiillutik imikkoortut.

Immikkoortup killeqarfigeriigai (titarnerit aappaluttut). Nunaminertaq immikkoortumut ilanngutissallugu siunnersuutigineqartoq (nunaminertaq titartornilik)

Immikkoortoq avannamut immikkuuaattumut "1C24 Nuukullak"-imut ataatsimoorussassasut siunertaqartunut atugassiissutigineqartumut killeqarfeqarpoq immikkoortullu kujataa tungaani nunaminertamut sanaarfigeqqusaanngitsumut Qinngutta tungaanut sammisumut "1D9 Avannalinnguaq"-mut killeqarfeqarluni.

Kangimut immikkoortoq Jagtvejimut med boligområdet "1A1 Kujallerpaat"-imi inissiaqarfimmuut aamma qiterisaqarfimmuut 1C1-imut, tassani ilaatigut Pineqaatissinneqarsimasunut Inissiisarfik tassaniippoq, killeqarfeqarpoq. Kimmut immikkoortoq immikkuualuttumut 1D3-imut, taanna sissamut attavittaqarluni nunaminertaavoq sanaartorfigeqqusaanngitsoq, aamma inissiaqarfimmuut "1A2 Niels Hammekensvej"-imut killeqarfeqarpoq.

Ullumikkut Entreprenørdelen tamatigoortunik inuussutissarsiuqarfit inuussutissarsioriaatsinik sullissinernillu illoqarfimmi innuttaasunik assigiinngitsunik sullissisunik. Immikkoortoq biilileriffinnit, assartuussisartunit, quersuarnit, sannavinnit, assassorluni eqqumiitsuliortunit, niuertarfinnit, allaffeqarfinnit il.il. atornerqarpoq. Immikkoortumi sumiiffiit arlallit atueriaaseqarput atuuffeqarlutillu nunaminertanik sanilerisnik atortussanik, containerinik, biiliniq saqqummersitassanik, atornerqarpoq, aamma biiniq inissiisarfeqarpoq.



Fig. 3: Atortussat inaalissukkat

Illut:

Immikkoortumi illut angissutsimikkut, titartarneqarnermikkut pisoqaatsissutsimikkullu assigiinngitsuupput. Illut assigiinngiiaartuupput ilaat containeriullutik quleriit, nakkutilliisut illui qaliaqanngitsut. Tupersuit, quiersuit aamma inissianut atasunik illut inuussutissarsiorfiit marlunnik

quleriillit. Illut siulliit kingulliillu sananeqartut ukiunik 60-it missaannik imminnut nikingassuseqarput, tamannalu ingammik atortuni ilusilersornerannilu takuneqarsinnaavoq. Illulli assigiissusiat tassaapput ilarpassui avatangiisiminnut matoqqasutut silataallu assigiittut isikkoqarnerat.



Fig. 4: Illut assigiinnngitsut ilullu silataat

Naasartut

Pilersaaruteqarfiusoq piorsaaffigineqanngikkallarami qooruuvoq, taassumallu timaa nuna kangerlummut toqqaannartumik qooqqukkut tassuuna imertaajarneqartarpoq. Qooqqup avannaatungaani taseqarsimagaluarpoq qooqqullu naqqa immaqa sissani allanngutsaaliukkani, ullumikkut pilersaaruteqarfiusup kitaatungaani, takusatsitit ittuusimagunarpoq. Immikkoortoq ullumikkut akuttusuunik naak qorsoqqissunik kussinerni aamma qullernit nappartinit ungaluukkanillu oqquiffiginnaasaanni naasoqarpoq. Immikkoortoorli asfaltimik ujaraaqanillu qalliusigaavoq, tamakkulu inuussutissarsiuteqarfinnut assigiinngitsunut pingaarnertut atuuffeqarlutik attuumassuteqarput.



Fig. 5: Kusserngit aamma naasut "illersukkat" aamma Nuup nunap assinga 1947-meersoq.

Nunataa:

Entreprenørdalen pileqqaarnermit isikku immikkoortumi tamarmi ilisartuuvoq. Immikkoortup nunataa malunnaateqarluartunik marluinnik qaqqasunnartaqarluni nassuiarneqarpoq, taakkulu ilaatigut tamakkinngikkaluarlugu illiuliorfigeqqussaanngillat. Taakku "Kommunimut pilresaarummut tapiliussaq nr. 4 – Illoqarfimmi sukisaarsartarfiit pillugit pilersaarut" –immi immikkut portunersatut taaneqarsimapput aammalu nuungajuusami qaqqasunnanut avannamut kangimoortunut ilaallutik. Illoreersut qaqqasunat sinaasa ataanniinnerullutik qooqqup taakku akornanni naqqaniinnerupput.



Fig. 6

Qulleq: Entreprenørdalen kimmut isigalugu. Alleq: Nuna immigaq ujaqqanillu pīiaavik

Illulioriternerit attaveqaasersuinerillu saniatigut nunatami suliarinninnerit annersaat tassaavoq qaqqasunnap kimmut isua tungaani ujaqqanik pīiaaviusimasoq. Tamanna innartamik innaaqqissumik portunerpaaffimmigut 8 meterisut portutigisumik pilersitsivoq. Tamatuma saniatigut sumiiffimmi aamma tassani nunamik immiisoqarsimavoq, tamannalu Qinnngutta tungaani paassaaveqarnerani illernaasamik pilersitsisoqarsimaneramik kinguneqarpoq.

Aqqusinertigut angallaneg:

Immikkoortoq marlunnik aqqusineqarpoq, Nuukullak aamma Jagtvej, taanna Svend Jungep Aqqutaanit sanimukartuuvoq. Aqquserngit qaqqasunnat sammiveqatigaat kangerluullu kujammut isuanut isoqarlutik. Aqquserngit marluk taakku immikkoortup kujataa tungaanut Kujammukaanut atapput, tassanilu Nuukullak nunaminertamut

annikinnerusumut ujaqqanik paaaviup eqqanniittumut Paassaasivimmut atavoq.




Fig. 7

*Nunaminertat
atugassiissutigineqareersut*

1.4 ILERSAARUMMI PINGAARNERIT

Atuineq:

Kommunimut pilersaarummut tapiliussami immikkoortoq inuussutissarsiuqarfit inissisimaneranit (immikkoortoq B) ataatsimoorussassatut siunertanut qiterisaqarfit atorneqartussanngorlugu (immikkoortoq C) nuunneqassasoq aalajangersarneqarpoq.

Nunaminertamik atugassinneqartut suliat ingerlatiinnarsinnaavaat aammalu ullumikkut nunaminertani atugassinneqarfigisaminni sanaartoqqissinnaallutik. (fig. 7) Kommunimut pilersaarummut tapiliussami immikkoortumi illoqarfimmik ingerlaavartumik ineriartortitsinissaq ammaanneqarpoq aammalu nunaminertani atugassiissutigineqareersut aalajangersakkat nutaat aallaavigalugit nutanik sanaartortoqarsinnaalerluni.

Kommunalbestyrelsen 2016-imi illussanik titartaasarneq pillugu politikkimik akuersissuteqarnermigut ilaatigut illoqarfimmi illut titartarneqarnerat illoqannginnersallu qitiutinnerulersimavai. Illuliat nutaat illussanik titartaasnermut politikkimik anguniakkat, illoqarfiup ineriartortinneqarneranut illullu titartarneqarnerannut sanilliullugu, illoqarfimmi nunatanilu sanaartukkat inissisimaffiisa pitsaassusiinik kinaassusiinillu pilersitsinissat pillugit qitiutinneqarnerulernissaat siunertaavoq.

Illuliat:

Nunaminertanik atugassiiffioreersuni allilerneqarsinnaasunik sanaartorfinnik pingasunik atugassiisoqassaaq. Pilersaarut iluaqutugalugu sanaartorfiit allat nunaminertanik atugassiinerit apeqquataatinnagit ataatsimoorinneqarsinnaapput, taamaalilluni nunaminertaq sanaartorfissaq anginerulerluni. (fig. 8)

Kommunimut pilersaarummut tapiliussami immikkoortoq immikkuualuttunut sisamanut agguataarneqarpoq: A, B, C aamma D, tassanilu siunissami illuliat portunerpaaffissaat aalajangersarneqatassapput. (ilanngussaq 3 takuuk).

Svend Jungep Aqquataata eqqaaniipput Jagtvejimi illorsuit marluk qulingiluanik qulereeqarnermikkut sumiiffimmit tassani




Fig. 8

*Sanaartorfinnik
ataatsimooritsinerni
k tunngavik*

malunnaateqarluartut. Illorsuit pilersaaruteqarfiusullu akornanniippoq immikkuualuttoq 1C24, tassanilu sanaartorfissatut atugassiissutigineqartuni arfinillit angullugit quleriinnik illuliortoqarsinnaavoq.

Pilersaaruteqarfiusumi immikkuualuttup A-p avannaa'tungaani quleriit tallimat, immikkuualuttumi B-mi quleriit sisamat aamma immikkuualuttumi C-mi quleriit pingasut angullugit portutigisunik illuliortoqarsinnaavoq (fig. 9 aamma fig. 10 takukkit). Immikkuualuttuni illut assigiinngitsunik portussusillit Svend Jungep Aqqutaanut qaninnerpaami illut imminnut qanittunngortissavaat, "qooqumiinneq" aamma kangerluup tungaanut ammaannartutut misiginarluni.

Immikkuualuttoq D illoqarfimmi illoqannginersartut sukisaarsartarfilittut, aneersuatarfilittut, cafélittut allatullu sumiiffikkut sissami pisuinnaat aqqusinissaannut tunngatillugu pilersinneqartussa q atugassiissutigineqarpoq.





Fig. 9: Titartagaq: Immikkoortoq ilunuk quleriilorfissaq: A: Quleriit tallimat tikillugit, B: Quleriit sisamat tikillugit, C: Quleriit pingasut tikillugit, D: Café/pavillon mikisoq

Immikkuualuttni A, B aamma C-mi inini allerni qiterisaqarfimmi atuuffitalinnik illuliornissamut periarfissiisoqarpoq, tamatumani immikkoortumi sammisassaareersunut nutaanik illoqannginersanik tigungminniinnarnissaq pilersitsinissarlu siunertarineqarlutik. Illut nutaat najukkami suliffeqarfinnut mikinerusunut aamma namminersorlutik inuussutissarsiateqartunut inissilluareersimasunut ininik pilersitsiffiusinnaapput. Tassani inuussutissarsitit mingutsitsinngitsut, assassornermik eqqumiitsuliat, café, niuertarfiit assigisaallu ineqarnissamut periarfissanik nutaanik peqateqatillugit illoqarfiup ilaata eqeersimaarfiusup pilersinneqarnissaannut tunngavissiissapput.



Titarnert fig. 9
(aappaluttoq)
aamma fig. 10
(qernertoq)




Fig. 10: Tukimut: Nunap ilusaa immikkoortumilu B-mi illut portussusiat.

Kommuneqarfik Sermersooq immikkoortumi illussanik titartaasarneq eqqarsaatigalugu sakkortuunik piumasaqaateqarpoq aamma illut titartarneqarnermikkut illumit illoqarfimmi illoqannginnersat akornanni sammisassaqartarnissat pingaartinneqarput. Tamanna ingammik illut initaanni allerni takuneqarsinnaassaaq, tamakku ilisarnaatitut aamma atortussatigut isikkumikkullu atortussanik suliarilluakkanik immikkuualuttortaqaassapput. Illut silataat illoqarfimmi illoqannginnersap ilaatut atasunik atuuffilersorneqassapput aammalu aqqutigissallugit illoqarfiup ilaatigoorneq misigineqartassalluni. (fig. 12)

Nunaminertat sanaartfigineqanngitsut / Illoqannginnersat / Aqqusinertigut angallanneq / Biilinik inissiisarfii




Fig. 11

Sanaartorfissat
titarnertillu

Sanaartorfissat atugassiissutigineqartut titarnert pingaarnert pingasut (fig. 11) nutaanik sanaartorfissatut aqqjissuussiffissatullu tunngavissappaat. Aqqusinioreersut marluk, Nuukullak aamma Jagtvej, aamma nunaminertaq sanaartorfigeqqusaanngitsiq qeqqaniittoq ilaatigut qalliusersukkat kussiniliorfiuvoq.

Illoqarfiup ilaani illut imminnut qaniffiini aqquserneq illoqarfimmi illoqannginnersaassaaq immikkoortumi illoqarfiup isikkuata pitsaassusianik qulakkeerinneqataasussaaq. Aqquserngit illoqarfimmi avatangiisitut aamma pisuinnarnut sikkilertunullu aqqusinertut atuutissapput. Entreprenørdalen, ilaatigut sissami pisuinnaat aqqutissaatigoorfigineqartussaaq illoqarfiup ilaani sukisaarsartarfii ilaattut tikkikkuminarnerulissaaq.

Nuukullak aamma Jagtvej niuernernut biilinillu inissiisarnernut atornerqarallassapput. Aqquserngit illoqarfimmi aqqusinertut, tassani aqquserngit, ilisarnaataasalu biilertut, pisuinnaat/sikkilertut aqqutaat nunaminertanillu qorsunnik pilersitsiffiussinissaaq qulakkeerneqassaaq. (Fig. 12 takuuk)



Fig. 12: Illuliat aqquserngullu tunngaviusumik titartameqamerat.

Immikkuualuttumi B-mi illuliat nutaat aamma qaqqasunnap killiup akornanni aqqusineqartuarnissaa qulakkeerneqassaaq. Tamatuma saniatigut qaqqasunnat nasittarfittut tikikkuminartuussapput aammalu najukkap, illoqarfiup nunallu tungaanut isivikiviullutik.

Titarneq qiterleq Svend Jungep Aqqutaanit sumiiffikkut sissap tungaanut isikkiveqartinniarlugu, illut tungaanut qaamaneqartinniarlugu kiisalu illut nunataannit nunap qaavata ernganik kuuffissatut qorsuusunik atuuffeqartitsisumik.

Nutaanik illuliornerni sanaartorfiit iluanni aamma amerlassusissatut aalajangersakkat iluini biilnut inissiisarfilioritoqassasoq nunaminertanik atuisussaasittaasut piunasaqarfigineqassapput.

Tamatuma saniatigut nutaanik sanaartortoqartillugu biilnut innaallagissamik orsersortakkanut immiisarfilisoqartassaaq.

1.5 PILERSAARUSIORNERMUT ALLAMUT SANILLIULLUGU INISSISIMANERA

1.5.1 Nuna tamakkerlugu pilersaarusioneq

Siunnersuut, Kommunimut pilersaarummut tapiliusseq nuna tamakkerlugu pilersaarusionermut naapertuuppoq.

1.5.2 Kommunimut pilersaarut

Siunnersuut, Kommunimut pilersaarummut tapiliusseq kommunimi immikkoortumi illoqarfiup eqiterneqarnissaanik anguniakkanut naapertuuppoq.

1.5.3 Qanganitsat

Immikkoortumi qanganisaqarneranik Kommuneqarfik Sermersooq ilisimasaqanngilaq. Immikkoortumi nunami suliaqarnerit Eqqissimatitsisarneq aamma allatigut kulturikkukt eriagisassanik kulturikkullu kingornussassatut illersuineq pillugu Inatsisartut inatsissat nr. 11, 19. Maaji 2010-meersumut ilaatinneqarput.

1.5.4 Avatangiisit

Immikkoortumi assaanermi mingutsitsinermi naammattoorsisoqarpat Kommuneqarfik Sermersuumi Sanarfinermut Avatangiisinullu Ingerlatsivik ingerlaannaq ilisimatinneqassaaq.

Eqqakkat navianartunik suujunnaarsitsinerit, assersuutigalugu issoq uuliamik mingutsinneqarsimasoq, kommunimi eqqagassalerineq pillugu malittarisassat suliaasaqarfimmilu inatsisit atuuttut naapertorlugit pissaaq.

1.5.5 Teknikkikkut pilersuiviit

Illut nutaat pisortat innaallagissamut imermimullu aqquataaannut aamma kuuffissuataaannut imermillu pilersuinerimut aqquataaannut attavilerneqassapput.

Imerk, innaallagissamik imermillu pilersuinerit kuuffissualersuinerillu nunap iluatigoortinneqassapput. Immikkoortumi pisortat teknikkikkut atortulersuutaat soorlu transformaatoriisiviit immikkoortumi pilersuinerimut atortut ikkussuunneqarsinnaapput. Tamakku Kommuneqarfik Sermersooq isumasioqatigalugu inissinneqassapput.

Kiassarneq

Immikkoortumi kiassaariaasissaq Nukissiorfiit malittarisassaataanni aalajangersarneqarpoq.

Kuuffissuit

Illut pisortat kuuffissuataannut imikulerineq pillugu iliuusissatut pilersaarutit malillugit attavilerneqassapput.

Nunap qaavata illullu qaavisa erngat kuuffissuakkut kuutsinneqassanngillat, kisianni immikkoortumi illunut allanut, pisuinnaat aqquataannut, aqqusinernut nunaminertanullu sanaartorfigineqanngitsunut akornutaanngitsumik kussiakkut kuutsinneqassapput.

Eqqagassalerineq

Immikkoortup ilaa Kommuneqarfik Sermersuumi eqqagassalerinermik aaqqiinermut malittarisassanut sukulluunniit atuuttunut ilaatinneqarpoq.

Aputaajaanerit aputinnillu allamukaassuinerit

Immikkuualuttumi eqiterinerup aputinik niffaliortarnerit soorunami annikillisissavai. Immikkoortui aqquserngit, biilnut inissisarfiit, pisuinnaat aqquataat nunaminertallu sanaartorfigineqanngitsut aserfallatsaaliorneqarnissaat siunertaralugu piginnittunik peqatigiiffiortoqassaq. Piginnittut peqatigiiffiata malittarisassat namminneq aalajangersarsinnaavaat. Aputit niffaliat Kommuneqarfik Sermersuumit innersuunneqartunukaassorneqassapput.

Sanaartorfissagissaanernut aningaasartuutit

Nunaminertanik atuisussaataasut immikkoortumi sanaatorfissagissaanissanut namminneq aningaasartuuteqartassapput.

Sumiiffimmi nutaanik sanaartortoqartillugu sanaatorfissaasoqartilluguluunniit, sumiiffimmi arlaatigut annertusaasoqassappat Nukissiorfiit piffissaq atuiffiusariaqartoq pillugu nalunaarfigineqassapput

1.5.6 Pilersaarutininik atorunnaarsitsinerit

Kommunimut pilersaarummut tapiliussaq 1C6-1 Paassaasivik manna pigineqalermat illoqarfiup ilaanut pilersaarut 1B3-1 atorunnaarsinneqarpoq.

1.5.7 Tamanut saqqummiussineq

Kommunimut pilersaarummut tapiliussaq sapaatit akunnerini arfineq-pingasuni piffissami 20.06.2017-imiit 15.08.2017-imut tamanut tusarniaassutigineqarnikuvoq.

Immikkoortoq 1.4-mut imaattumik oqaasertaliisoqassaaq, aalajangersakkanilu immikkuualuttuni imm 3 imm 2-mi imaattumik oqaasertaliisoqassaaq: "Nutaanik sanaartortoqartillugu biilnut innaallagissamik orsersortakkanut immiisarfiliiisoqartassaaq". Saniatigut tusarniaanerup kingorna kommunimut pilersaarummut tapiliussaq oqaasertaatigut annikitsumik aaqqissornikuuvoq.

1.6 PILERSAARUMMUT TAPILIUSSAP INATSIITIGUT SUNNIUTAI

1.6.1 Inatsisitigut inaarutaasumik sunniutit

Kommunimut pilersaarutip piviusunngortinneqarnissaanut, tassunga ilanngullugu nunaminertanik atugassiinerni, kommunalbestyrelsimit sulissutigineqassaaq (*Pilersaarusiornermut inatsimmi § 29*).

Kommunalbestyrelsimit kommunimut pilersaarummut tapiliussaq inaarutaasumik akuersissutigineqarpat tamanullu saqqummiunneqarluni, taava nunaminertat, illut atortullu kommunimut pilersaarummut tapiliussatut siunnersuummi ilaatinneqartut taamaallaat atorneqarsinnaapput imaluunniit sanaartorfigineqarsinnaapput kommunimut pilersaarummut tapiliussami aalajangersakkat naapertorlugit (*Pilersaarusiornermut inatsimmi § 30*).

Immikkut pisoqartillugu malinninnginnerit annikitsut immikkut ittumik akuersissutigineqarsinnaapput. Malinninnginnerilli annerusut pitillugit tamanna nutaamik kommunimut pilersaarummut tapiliussamik pisariaqartitsissaaq (*Pilersaarummut inatsimmi § 50*).

Nunaminertanik, illunik atortunillu malittarisassat malillugit atuneq ingerlatiinnarneqarsinnaavoq. Akerlianik assersuutigalugu allatut atuneq imaluunniit nutaamik sanaartugaq kommunimut pilersaarummut tapiliussamut unioqutitsisumik pisinnaangilaq.

2 AALAJANGERSAKKAT

Matumuuna "Pilersaarusiortarneq nunaminertanillu atuinerit pillugit *Inatsisartut inatsisaat nr. 17, 17. novembari 2010-meersoq*" (Pilersaarusiornermut inatsit) aamma kingusinnerusukkut allannguutit naapertorlugit Kommunalbestyrelsip aalajangersakkat tullinnguuttut makku aalajangersarpai.

Aalajangersakkat aalajangersakkanut pingaarnernut aalajangersakkanullu sukumiisunut avitaapput.

Aalajangersakkat tamarmik inatsisitigut pituttuisuupput, taamaattorli immikkut ittumik pisoqartillugu aalajangersakkanit sukumiisunit immikkut ittumik akuersissuteqartoqarsinnaavoq.

Aalajangersakkat pingaarnert pilersaarummi tunngavinnik imaqarput taamaattumillu aalajangersakkanit taakkuninnga immikkut ittunik akuersissuteqartoqarsinnaangilaq.

AALAJANGERSAKKAT PINGAARNERIT

Immikkoortup killeqarfilersorneqarnera



1. Siunertat

Qiterisaqarfimmut siunertat

2. Atuineq
<p>Immikkuualuttunim A, B aamma C-mi immikkoortoq namminersorluni inuussutissarsiorfiuttut, allaffeqarfittut, niuertarfeqarfittut, pisortat sulliffiattut inissiaateqarfiutaattullu ataatsimoorussassatut siunertanut atorneqartussanngorlugit aalajangersarneqarput.</p> <p>Immikkuualuttoq D ataatsimoorussassatut siunertanu ttamanit sunngiffimmi atugassatut mikisunik illutaqarsinnaatillugu / cafetaqarsinnaatillugu / aneersuarterfeqarsinnaatillugu assigisaannillu atugassiissutigineqarpoq.</p>
3. Illuliat
<p>Immikkuualuttuni A-D-ni imatut portussusiliilluni nutaanik illulioraqarsinnaavoq: (Init alliit quleriit siulliupput)</p> <p>Immikkuualuttoq A: quleriit tallimat tikillugit</p> <p>Immikkuualuttoq B: quleriit sisamat tikillugit</p> <p>Immikkuualuttoq C: quleriit pingasut tikillugit</p> <p>Immikkuualuttoq D: Tassani immikkoortumik sukisaarsartarfittut ineriartortitsinermi mikinerunik aneersuarterliortoqarsinnaavoq sanasoqarsinnaavoq.</p>
4. Inissaqassuseq
<p>Immikkoortoq 8.4 hektarit missaannik annertussuseqarpoq aamma tamakkerluni sanaartorfineqareersutut inissaaruttutullu isikkoqarpoq, aalajangersakkat takukkit.</p>
5. Eriagisassat
6. Nunaminertat piumasaqaataaffiusut
<p>Mittarfiup eqqaani nunaminertat piumasaqaatitaqarfiusut aalajangersaaffigineqarput, tassa mittarfittaviani nunaminertat manissut mikkiartortarfiit tingiartortarfiillu. Immikkoortoq nunaminertami manissumi akornuteqanngitsumiippoq tamaanilu atortulersuutit illullu 127,5-imit aamma aqquserngit 121,5-imit portunerniissanngillat</p>
7. Aqqusinertigut angallanneq teknikkikkullu pilersuinerit
<p>Svend Jungip Aqqutanit aamma Sipisaq Kujallermi immikkoortumut aqqusineqassaaq.</p>
8. Illoqarfimmik nutarterineq
<p>Kommunimut pilersaarummut tapiliussami immikkoortup tamarmi arriitsumik illoqarfittut nutarterneqarnissanut periarfissiisoqarpoq.</p>
9. Immikkoortukkuutaat

AALAJANGERSAKKAT SUKUMIISUT
1. Illut inissisimanerat
<p>Imm. 1: Illut nutaat ilanngussami 2A aamma 2B-mi takutinneqartutut sanaartorfinnut inissinneqassapput.</p> <p>Imm. 2: Sanaartorfissat ataatsimoortinneqarsinnaapput, taamaalilluni nunaminertaq atorineqarsinnaasoq anginerulerluni. Sanaartorfiit ataatsimoortitat ilanngussami 2A-mi aamma 2B-mi sanaartorfissatut titarnerit takutinneqartut akimussanngilaat.</p> <p>Imm. 3: Immikkuualuttumi C-mi illu B-2705 allineqarsinnaanngilaq.</p>
2. Illut silataasa isikkui
<p>Illuliat:</p> <p>Imm. 1: Pilersaaruteqarfiusoq immikkuualuttunut sisamanut agguataagaavoq: A, B, C aamma D, soorlu ilanngussami 1-mi aamma 2A aamma 2B-mi: Immikkuualuttut A-C: Illut toqqavii sanaartorfik tamakkerlugu sananeqarsinnaapput. Sanaartorfinneqartussap iluani bil-inut unittarfimmik pilersitsisoqassaaq, takuuk § 3.2 Immikkuualuttoq D: Aneersuartarfik, café assigisaallu immikkoortumi sissami pisuinnaat aqquataannik ineriartortitsinermi. Immikkoortup ineriartortinneqannginnerani suliniutaasinnaasut Kommuneqarfik Sermersuumit akuerineqassapput.</p> <p>Imm. 2: Sanaartorfinni ataasiakkaani illut portunerpaaffissat aalajangersarneqarput, ilanngussaq 3 takuuk.</p> <p>Imm. 3: Nuukullammut, Jagtvejimut Kujammukaanullu atuuttunik aqquuserngup qeqqaniit illuliamut 7,5 meteriunissaat aalajangersarneqarput. Paassaassivimmi aqquuserngup qeqqaniit illumut 6 meterit. Nunaminertami tassani nutaanik illuliortoqassanngilaq.</p> <p>Imm. 4: Illut ilusaat isikkuillu illoqannginnersanngortitsinermut inini allerni qiterisaqarfinnut siunertanik aallartitsinernut iluaqutaassapput.</p> <p>Imm. 5: Init alliit allagartarsualerlutik atortussatigullu aamma ilutsimikkut suliarilluakkatut isikkoqassapput. Illup silataa minnerpaamik affaa igalaartalersorneqarsinnaavoq.</p> <p>Imm. 6: Inini allerni inissialiortoqassanngilaq.</p> <p>Imm. 7: Illut silataat ullup unnuallu ingerlaneranni assiaqutaqartassanngillat. Igalaartalinnik saviminernillu assiaqutitalinnik allagartarsualersortoqarsinnaavoq.</p> <p>Imm. 8: Igalaat qalipanneqaratillu nipititeriffigineqassanngillat.</p> <p>Imm. 9: Illut tamatigoortunik atortoqarluni qalipaatinillu toqqaasinnaalluni sananeqarsinnaapput. Atortussat tassaasinnaapput qisuit, igalaamerngit, eternit, savimineq, ujaqqat, zink, aluminium, sisak aamma beton. Illut silataatsa atortussiartaat inngiasutitsissanngillat.</p>

Illut silataasa ilusilersorneqarnerat tamarmik atortussanillu toqqagartaat Kommuneqarfik Sermersuumit akuerineqartussanngorlugit tassunga tunniunneqassapput.

Imm. 10: Toqqaviit illup ataatsimut isikkuattut itsillugit titartarlugit ilanngunneqassapput. Toqqaviit betoniusut 0,5 meterinit portunerusut illup ilaatut isikkoqatilerlugit qalluserneqassapput.

Imm. 11: Tummeqqat elevatorillu illup timitaaniitneqassapput.

Imm. 12: Silaannarissarfiit assigisaallu illup titartarneqarnerani ilaasutut ilanngunneqassapput aammalu illumit aqquserngup tungaanut ivertinneqassanatik.

Imm. 13: Allagartarsuit illup ilusaanut titartarneqarneranullu naapertuuttumik ilusilersorneqassapput. Allagartarsuaq 2 m²-nit angineruppat, ivertinnissaanut Kommuneqarfik Sermersuumut qinnuteqaatoqartassaaq.

Imm. 14: Illuni ataasiakkaani suliffeqarfimmut illumiittumut taamaallaat attuumassuteqartunik allagartarsualersortoqassaaq.

Imm. 15: Illut qaliaasa qaavi minnerpaamik 10 gradinik sivingassapput qalissiarsuarmillu taartumi, zinkimik, kangussammik qisummilluunniit qalluserneqassapput inngianartuunatillu. Tassanga illup qaavani aneerasaartarfiit assigisaallu, atortussanik allanik uinganeqanngitsumillu sananeqarsinnaasut ilanngunneqanngillat.

Imm. 16: Aneerasaartarfiit illullu qaavanni aneerasaartarfiit seqerngup sammivia illullu isikkua eqqarsaatigalugit inissinneqassapput aamma sanaartorfiit iluanniissapput.

Imm. 17: Seqinisaatit assigisaallu illup qaliata qaavisa ilaattut ivertinneqarsinnaapput aamma inngianassanngillat.

3. Aqquserngit pisuinnaallu aqquataat

Imm. 1: Nuukullak aamma Jagtvej najukkami aqqusinertut pisuinnarnut aqqusinialiasamat sikkilerfissamullu nunaminertalerlugit atugassiissutigineqarput, ilanngussat 2A aamma 2B takukkit.

Imm. 2: Illunut tamanut immikkut biilnut inissiisarfiilortoqassaaq, amerlassusissaat pillugit aalajangersakkat atuuttut takukkit. Illut eqqaanni biilnut inissiisarfiit sanaartorfiit killeqarfiisa iluini sananeqassapput. Nutaanik sanaartortoqartillugu biilnut innaallagissamikorsersortakkanut immiisarfiilisoqartassaaq.

Imm. 3: Sanaartorfinnut aqquserngit isaarissat aqqusinermit qaninnermeersuussapput.

Imm. 4: Nuukullammit sanaartorfinnut qaqqasunnap kitaa'tungaaniittumut B-1569-imik illutalimmut sanaatorfimmt isaarissamik aqquserniortoqassaaq, ilanngussaq 2A-mi tunngaviit takukkit.

Imm. 5: Nuukullammiit ilanngussaq 2A-mi qaqqasunnap kitaa'tungaanut akornuteqanngitsumik aqquseqassaaq.

4. Nunaminertat sanaartorfigeqqusaanngitsut sunngiffimmilu atortulersuutit

Imm. 1: Immikkuualuttoq D ataatsimoorussassatut sanaartorfigineqanngitsut atugassiissutigineqarpoq. Tassani atortulersuutit sukisaarsarnernut siunertaqartut,

aneersuortarfeeqqat, cafe assigisaallu sananeqarsinnaapput. § 2.1 naapertorlugu nunaminertap ineriartortinneqannginnerani atortulersuutillu nutaat sananeqannginnerani Kommuneqarfik Sermersuumit taannaluunniit suleqatigalugu atuinissamik siunnersuusiortoqassaaq.

Imm. 2: Nunaminertat illuliorfissatut biilinnuunniit inissiisarfissatut atugassiissutigineqanngitsut nunaminertatut sanaartorfigeqqusaanngitsutut uninngaartarfittuulluunniit imaluunniit pinngortitatut aaqqissuunneqassapput.

5. Teknikkikkut atortulersuutit

Imm. 1: Illut nutaat pisortat innaallagissamut, imermut, ungasianit kiassanermut aqquataannut kuuffissuaataannullu attavilerneqassapput.

Immikkoortoq Nukissiorfiit malittarisassaatai malillugit pilersuinissaq aalajangersarneqassaaq.

Imm. 2: Pilersuinernut aqquutit tamarmik soorlu innaallagissamut, imermut, kiassarnermut kuuffissuillu nunap iluatigoortinneqassapput.

Imm. 3: Nunap qaavata ernga, tassunga ilanngullu illut qaavisa erngat, kuuffissuakkut kuutsinneqassanngilaq, kussiamut kuutsinneqassaaq, kisianni immikkoortup ilaani illunut allanut, aqqusineeqqanut, aqqusinernut nunaminertanullu sanaartorfigineqanngitsunut akornutaanngitsumik kuutsinneqassaaq.

Imm. 4: Immikkoortumi pisortat teknikkimut atortulersuutaannik soorlu transformaatoriisivinnik sumiiffimmi najukkamik pilersuisussamik inissiisoqarsinnaavoq. Nukissiorfiit siunersiorlugit inissiisoqassaaq.

Imm. 5: Pingajuannit ledningileeratarnissaq eqqarsaatigalugu, ledninginik piginnittumut aningaasartuutitaqassaaq, aammalu ledninginik piginnittoq taamaallaat isumasiorneratigut taamaallaat pissalluni.

6. Nunaminertat sanaartorfigineqanngitsut

Imm. 1: Nunaminertat sanaartorfigeqqusaanngitsut uninngaartarfiillu sanaartornerni pisariaqanngitsumik innarlerneqassanngillat aamma sanaartornerup naammassineqarnerani nuna innarleqarsimappat kommunimut aningaasartuutaanngitsumik ilusaatut ilerseqqinneqassaaq.

Imm. 2: Nunaminertat allat qaartiterinermi assartuussinermilluunniit eqqorneqartut ilusaattut ilerseqqinneqassapput kommunimullu aningaasartuutaanngitsumik qaartiternerlukuiarneqassallutik.

Imm. 3: Qaartiternerlukut, issoq, ujaqqat assigisaallu sinneruttut kommunimik isumaqatigiissuteqareernikkut inaalinneqassapput aamma tamakku Kommuneqarfik Sermersuumit pigineqarput.

Imm. 4: Immikkoortumi apummik niffarsualiortoqarsinnaavoq aamma Kommuneqarfik Sermersooq immikkut ittumik akuersiteqqaartinnagu allamut inissinneqassanngillat.

Imm. 5: Niffarsuit immikkoortumi ulluinnarni atuunnermut akornutaassanngillat. Tamanna malinneqanngippat Kommuneqarfik Sermersooq nunaminetamik atuisussaataasup akiligaanik niffanik allamukaasuisinnaatitaavoq.

7. Eriagisariallit
Immikkut ittunik aalajangersagaqanngilaq
8. Pinngortitamik illersuinissamik soqutigisat
Immikkut ittunik aalajangersagaqanngilaq
9. Nunalerinermik soqutigisallit
Immikkut ittunik aalajangersagaqanngilaq
10. Atortulersuutit ataatsimoorussat
Immikkut ittunik aalajangersagaqanngilaq
11. Piginnittut peqatigiiffiat
Immikkut ittunik aalajangersagaqanngilaq
12. Avatangiisinik mingutsitsinerup killissai
Immikkut ittunik aalajangersagaqanngilaq
13. Illut nukissiuutininik ataavatunik atuiffiusut
Immikkut ittunik aalajangersagaqanngilaq

3 UERSISSUTEQARNERMI ATSIORNERIT


Kommunimut pilersaarummut tapiliusseq 1C6-1 Paassaasivik, Nuuk, Nuup illoqarfiata ilaaniittoq, matumuuna Kommuneqarfik Sermersuup Kommunalbestyrelsianit akuersissutigineqarpoq ulloq 03.10.2017

Kommuneqarfik Sermersooq, ulloq 17/10-2017



Aasi Chemnitz Narup

Borgmesteri



Lars Møller Sørensen

Kommunaldirektøri



Ilisarnaatinut nassuiaatit
Signaturforklaring

 Immikkoortoq / Delområde

 Immikkullarissiq / Detailområde



KOMMUNEQARFIK SERMERSOOQ
Sanarfinermut Avatangiisinullu Ingerlatsivik
Forvaltning for Anlæg og Miljø


Kommunimut pilersaarummut tapiliussaq IC6-I
Kommuneplantillæg IC6-I

Ilanngussaq I Immikkoortoq IC3-I Immikkullarissullu A, B, C aamma D
Bilag I Delområde IC3-I og Detailområderne A, B, C og D

Uutuut 1:4000 / Mål 1:4000

A4





KOMMUNEQARFIK SERMERSOOQ
Sanarfinermut Avatangiisinullu Ingerlatsivik
Forvaltning for Anlæg og Miljø

Kommunimut pilersaarummut tapiliussaqs IC6-I
Kommuneplantillæg IC6-I


Ilangussaaq 2A Immikkoortoq IC6-I Immikkullarisullu A aamma B
Bilag 2A Delområde IC6-I og Detailområderne A og B
Utuut 1:2000 / Mål 1:2000

A4




Ilisarnaatinut nassuiaatit
Signaturforklaring

-  Immikkoortoq / Delområde
-  Immikkuullarissiq / Detailområde
-  Immikkuullarissiq / Detailområde
-  Illut pioreersut / Eksisterende bygninger
-  Sanaartorfissaq / Byggefelt
-  Sanaartorfissat normui / Byggefelt nr.
-  Sanaartorfissap titarnera / Byggelinje
-  Qaqqamut aqqut / Adgang fjeild



Detailområde
Immikkuullarissiq




KOMMUNEQARFIK SERMERSSOOQ
Sanarfinermut Avatangiisinullu Ingerlatsivik
Forvaltning for Anlæg og Miljø

Kommunimut pilersaarummut tapiliussaq IC6-I
Kommuneplantillæg IC6-I

Ilanngussaq 2B Immikkoortoq IC6-I Immikkuullarissullu C aamma D
Bilag 2B Delområde IC6-I og Detailområderne C og D
Uutuut 1:2000 / Mål 1:2000

A4

0 m 20m 40 m 60m 80m 100m



KOMMUNEQARFIK SERMERSOOQ
 Sanarfinermut Avatangiisinullu Ingerlatsivik
 Forvaltning for Anlæg og Miljø

Kommunimut pilersaarummut tapiliussaq IC6-I
 Kommuneplantillæg IC6-I

Ilanngussaq 3 Immikkoortoq IC6-I, Illup portunerpaaffissaa
 Bilag 3 Delområde IC6-I, Kipkoter